

煥檢管之令教以慈悲為主故玉清昭禁壇
 之文俾先事而耀玄科毋後時而干青律依
 依悉應切切神交重禪一縷之忱存扣千鈞
 之聽巨向來奉為某事仰微龍御壇場處隔
 於魔氛旁致虬輪方隅恐浮於埃壘仰依聖
 力通召威神金簡昭靈和忝通八遐之遠玉
 符飛煥祥光融九軌之遙土无異色以開祥
 地絕妖塵而薦瑞顧巨愚昧冒代天工深荷
 帝慈曲符民欲兩寶華於碧落清蹕傳音鳴
 瓊賴於玄虛黃麾耀景巨下情不勝激切酬
 恩之至謹稽首拜拜以聞

三拜起身退

靈寶領教濟度金書卷之二十二

靈寶領教濟度金書卷之二十三二十四 岱

洞微高士開光啟普真人審金其授

靈寶通玄私教水南先生林靈其編

科儀立成品開度

堅遷神構儀

步虛 洒淨 上香

具位巨恭恭燕寶香造瞻供養

太上無極大道玉清聖境元始天尊上清真
 境靈寶天尊太清仙境道德天尊東極青玄
 老君太乙救苦天尊三界應感一切真靈恭
 望洪慈俯垂鑒映伏以秉陽乘陰一氣鼓太
 元之治星畫星夜群靈乘妙有之輪輝紫極
 以裁成耀赤書而保制惟玄惟元惟始同流
 凝覺海之津曰精曰氣曰神獨照混靈源之
 徑自塵能之風靡致性纂之日滿道德密而
 地網疎回知孫御嗜慈深而天機淺遂致顛
 躋抱九死以莫回閱千生而無已是以玉京
 元聖金闕真尊敷法雨以涵濡布慈雲而覆
 育香園駐景桂東極救護之仁黎土傾光飛
 壯都升遷之令達明真之寶典植遷神之華

橋左提右携越金剛而辭有漏前導後從升
 五虛而入無形妙哉亭毒之功至矣慈悲之
 化今齋主某痛矜苦英深軫遊總齋按三天
 肅玄壇而顧帝恩沾九地開瓊圖以提魂爰
 依藥笈之琳琅式建芝橋之縹緲影搖碧落

朱竿高聳以騰蛟光湛澄虛絳練斜飛而舞
 鳳映虹霓而天矯擷鳥兔以翩翻太乙流華
 彷彿凌霄之慧徑大千耀彩依神騰景之飛
 梁仰接金門俯通鐵墨貫玄黃而威觀廓幽
 顯以均瞻回太微命無英九霄肆觀通冥漠
 飛明梵三寶班朝輝激切以前陳啓皈依而
 稽告法泉運誠皈依奏請

太乙救苦天尊

伏以碧霧玲瓏輝霧林之七寶蒼精混泥泥抱
 蓮座之九華慶雲流彩於赤圓祥烟凝芒於
 玄曜青童校錄玉龍飛度死之輪丹聖檢符
 金虎異回生之令遷神東極度命朔單超四
 景以道遙後三光而遊冥法泉運誠恭吟寶
 偈

靈橋高掛漾朝陽 上接青華百寶光

絳彩凌颺翔碧漢 朱竿耀景挹丹皇

九幽啓日蕙光燭 三極乘晨聖澤昌

濟拱妙嚴升閣道 超凌劫石邁天長

和不可思議功德

伏以炎光洞煥耀流火之神庭丹梵彌羅鬱

黃華之寶井九鳳飛金於南上五龍鳴玉於

中池紫蓋浮空二氣煥靈洲之秀瓊臺流景

萬真嚴寶御之華鍊質丹靈遷神朱火翔九

霄之妙景消萬劫之聲塵法衆運誠再吟寶

偈

靈樞搖曳晚風微 高挹朱丹火玉墀

百尺鷹揚雲影動 千尋螭舞露光垂

霧林清燦澄霄路 果澤彷彿脫夜扉

觀此真光俱會悟 形神飛鍊自然池

和不可思議功德

伏以雲層裁我仰帶羅之流日霞光奕奕挹

劫仞之靈風翠條振響於瓊林朱寶流光於

瑤界紫金燦妙琅音揚八素之吟碧玉流輝

寶座拱三華之唱遶神無色悟性真空膺瑤

策以更生刊璇圖而起死法衆運誠再吟寶

偈

靈樞縹緲駕晴空 雲映虛無梵氣中

慧日籠辰翔碧鳳 神風披曉舞玄龍

影搖黑鬱華芒燦 光映清微玉彩瓏

遊奕期歸均快樂 似瞻華表返靈蹤

和不可思議功德

伏以風樞匪動動辭兼愛之慈心水厲非留

留表互融之妙體一刺燒標於黃混萬魂俱

證於清虛影響神交鼓搏氣應韻揚玉麈步

虛流空洞之音香鶴珠華梵唱憐飛玄之妙

霏烟紛郁寶霧四旋融幽顯以均歡合天人

而稱慶靈樞有呪謹當宣揚

天尊開度三界十方 四生六道 咸到道場

生神速現 萬劫不忘 樞之萬體 隨風飛揚

風之所被 各從其方 東向之府 寒夜之鄉

地獄餓鬼 旁及元鞅 皆得解脫 上升天堂

向來暨攝功德並已周圓伏願道氣旁周神

光洞照玉隆聽法如細雨霖霖而來普梵登

真駕飛雲游烟而去絕苦聲於地獄享樂事

於天堂即伴亡故亦保固生根斷除死蒂一

真了悟頓超有漏之關萬業消磨疾詣無為
之岸恩沾八表仁被十華為如上緣請聖明
證志心稱念

三清無上天尊 十方靈寶天尊

九幽拔罪天尊 太乙救苦天尊

和不可思議功德

豎回耀攝儀

步虛 洒淨 上香

具位且恭恭蕙寶香遙瞻供養

太上無極大道玉清聖境元始天尊上清真

境靈寶天尊太清仙境道德天尊東極青玄

老君太乙救苦天尊三界應感一切真靈恭

望洪慈俯垂鑒映目聞三洞流光道散玄黃

而御世九清垂象教敷紫赤以開闢範圍化

化之機壽生之健陽靈朗耀輝八極之

積祥陽景飛華廓九幽之膏澤游宴福鄉之

旦周旋壽域之春皆天心不胃於商雲故地

性涵濡於甘露緬懷苦魄念極酸神壇列輝

光象家陽而瓊瑤福崇回耀開鑿絕以玲瓏

中嚴宸極之隱名旁列儀璘之顯象委氣合

氣迎聖彩於十華以神石神攝靈光於二景
膚茲煥爛破彼溟濛回夜壑之幽肆啓晨
庭之燦今齋主某伏為入齋崇建某齋一念
激切五體動渠期巨破暗之功俾契回光之
妙爰披寶笈肅建靈幡雲錦囊開宣日星之

丹範圍綃竿攀迎雨露之玄釐鳳簪騰垂蔭
之華龍龕協空歌之韻諧天惟悅列聖欣愉
法眾運誠讚揚功德

天尊鬱勃玉毫光 下洞幽泉煥八方

左躡英輝迎赤御 右提素曜觀西皇

風羅功製飛龍躍 霧縠功裁舞鳳翔

接引靈華開暗域 遊精啓道步天堂

和不可思議功德

伏以寶梵遙宣靈幡高舉晚風曳玉影浮五
億之天曉日籠金光湛三千之界緋烟罩而
回旋旁舞碧雲零而搖曳低垂幡迎光以飛
流光隨幡而映照黃華素曜開火池毒霧之
昏太霞炎光廓水浦迷雲之暗復靈明之正
性回清靜之初心有感斯通無幽不格法眾
皈依恭吟善頌

面東方

靈幡耀太真 回風映青華 扶桑駕陽燧
煥爛流朱霞 下携無極爽 逍遙玉寶家
神光洞萬微 齊齡大地多 和與道合真

面南方

靈幡耀太空 飄飄舞朱英 鳴玉扣陽韻
炎光燭幽靈 生神翔碧漢 飛鍊流火庭
玄雲彌八遐 徘徊萬氣并 和與道合真

面西方

靈幡耀太虛 鬱鶴招白元 真光啓三素
祥烟徹有玄 金剛歛搖落 振袂翔珠蹇
雲生七寶臺 結嬰固丹田 和與道合真

面北方

靈幡耀太無 慈光淡幽都 飛龍鼓玄液
洞煥立寒池 仰瞻瓊樓邃 飛步近鬱羅
香風扇十方 流鈴斥萬魔 和與道合真

面中央

靈幡耀太玄 八達陰流精 空歌振瓊條
葳蕤舞飛鯨 金光御寒壑 回散接漢升
永保玄元始 誰憂輪劫傾 和與道合真

伏以上帝垂慈敷善心於十極下民苦惱淪
惡性於三途自非紫極之真光曷拯黑風之
妄暗惟茲幡刹實象梯梁挹河漢之流精見
聞互映飛虹霓之耀景遐邇交融熙熙下照
於無垠拂拂上華於有頂十宮煥耀六洞輝
明靈幡赦罪神呪謹用宣揚

天尊開度 三界十方 四生六道 咸到道場
生神遷魄 萬劫不忘 幡之為體 隨風飛揚
風之所被 各從其方 泉曲之府 寒夜之鄉
地獄餓鬼 旁及無鞅 皆得解脫 上升天堂
向來豎幡功德並已周圓伏願三晨朗煥四
象輝華弗予耶尼之畿光騰晝朗浮提單越
之域明耀朝霞即俾亡故某乘功德光滅煩
惱暗神超北闕常遊珠黍以聞經形鍊南宮
永懋翠鸞而聽法後天難老與道合真溥四
生六道之繁均超覺地拯九壘十宮之眾俱
悟靈天為如上緣志心稱念
三清无上天尊 十方靈寶天尊
九幽拔罪天尊 太乙救苦天尊
和不可思議功德

暨告盟備儀

步虛 洒淨 上香

具位臣某恭焚寶香遙瞻供養

太上無極大道玉清聖境元始天尊上清真境靈寶天尊太清仙境道德天尊東極青玄

老君太乙救苦天尊三界應感一切真靈恭

望洪慈俯垂鑒映臣聞元始開圖敷瓊房之

妙韻虛皇撫運宏瓊笈之玄章流化日於八

圓振靈風於六合上無復祖九幽之科品昭

昭中有度人三錄之威儀井井上智啓回靈

之教下愚陶復性之恩化育陰陽裁成經緯

凡消期而修奉必先事以關聞今齋主某卜

取其日崇建其齋開度其人恭依壇律預告

齋盟靈象徘徊廊十華而共觀華幡縹緲悒

三祭少咸知為停黑鬱之威俾輅清微之澤

雲鏞振響月聲騰華流梵唱於清虛光凝大

混躑鈞容於碧落輝映具空稽首皈依無極

大道

大聖元始天尊

大聖靈寶天尊

大聖道德天尊

伏以天去地八萬四千聖司綱紀日繫月三

百六十神職權衡雖群品之散殊可一忱而

應感亭亭淨植朝天竿聳於陞龍翼翼翔飛

曳地絲翻於躍鳳盤薄遍九垓之大回旋周

四極之遠普見普聞遐邇匪遙悉仰聖恩之

昭漏期彰凡悃於際靖清眾運誠皈依讚詠

普告三界 無極神鄉 泉曲之府 北都羅酆

三官九署 十二河源 今日吉慶 諸天臨軒

弟子告齋 請命玄元 上解祖考 德劫種親

疾除罪簿 落滅惡根 生身受度 劫劫長存

元始符命 風火驛傳 不得拘留 預釋苦魂

虛空監察 萬神咸聞 請依青律 莫不如言

伏以齋悃既敷 玄恩肆被 闡明三景 似梵氣

之彌羅 周回十方 若靈光之洞煥 風動旛動

而齋盟朗徹 聲應谷應 而惠澤周流 謹召四

直功曹 三界符使 玄虛受事 里域神祇 咸造

玄壇聽宣丹檄

暨告盟符牒

天尊垂化玉凉山 藥簡羅敷教雨頌

三極提封飛鳳策 百靈嘯命耀鸞關

齋期已徹 寰陽遂 玄澤先希 鬱絕寬

從此陽春回暖律 輪停五苦溥歡顏

和不可思議功德

向來告盟功德普已周圓 伏願圓蓋開祥方

與薦社煥祥烟於死尸死氣飛浮流慶雲於

生門生神凝妙夜窈罷業熾之對寒庭停寬

網之羈人鬼龍仙悟有有無無之妙飛潛動

植離生生化化之玄溥及含靈均登道岸為

上因緣志心稱念

三清無上天尊 十方靈寶天尊

九幽拔罪天尊 太乙救苦天尊

和不可思議功德

又暨命靈橋儀

步虛 洒淨 上香

具位臣某焚香奏啟

太上無極大道無上至真道寶無上至真經

寶無上至真師寶三界應感一切真靈日聞

金書御運清微開七部之光玉字浮空亦明

煥十方之界慈雲覆蔭法雨涵濡况三錄井

井於威儀而九幽昭昭於科品將伸修奉盡

預奏聞今齋主某已於某處修建某齋開度
某人靈魂巨職在關騰理難拒抑竹恢張於
築艾先建立於華嶺證誓結盟上徹三天之
寥廓傳感息苦下通九地之幽深期肅迓於
宸恩庸漢承於齋福朱竿高聳素練低垂法
衆運誠讚揚功德

靈幡赦罪天尊

今日大慶 三界臨軒 小兆弟子 敢奏微言
修齋行道 七祖昇遷 植幡預告 上聞諸天
元始五教 希降重泉 三途九夜 萬罪咸原
剋時定令 齋期言滿 未朝壇陛 受錄飛仙
十方一切 快樂無邊 和與道合真
伏以縹緲祥龍舞千尋於碧落翻舞鳳搖
百尺於玄虛三極均瞻群方快觀靈風披拂
烟銷揚寶耀之光梵氣彌羅霧縠映彩霓之
象旌下民之惘懇徽上帝之鑒觀鶴赦希頌
預開明於夜暗龍符荐布溥洽滂於春光伺
建齋功同起聖化庶極有情之類均陶無上
之緣法衆運誠讚揚功德

靈幡赦罪天尊

普告三界 無極神鄉 泉曲之府 北都羅酆
三官九署 十二河源 今日吉慶 諸天臨軒
弟子告齋 請命玄元 上解祖考 億劫種親
疾除罪簿 落滅惡根 生身受度 劫劫長存
元始符命 風火驛傳 不得拘留 預釋苦魂
虛空監察 萬神咸聞 請依青律 莫不如言
和與道合真

宣符

伏以通齋誠於高厚幡彩風流帝渥於幽
冥壇光日皎將按金科而嚴事先遵玉律以
告盟觀竭精誠密符應感徽十方而敬聽關
三界以知聞魔試不干竹看善功之廣大蕃
禧溥被頓令齊惘之周圍昭回骸起死之仁
慶慶命吏生之樂家如丹禱允荷洪恩法衆
運誠稱揚功德

靈幡赦罪天尊

元始開化 普植神靈 玉文敷落 長夜開明
今日普告 萬神咸聽 消愆五戶 赦罪九冥
敕制地祇 侍衛送迎 永離鬼官 上昇福庭
皆得受度 錄化更生 和與道合真

向來暨諸告盟功德周圍伏願眇眇大羅俯
鑒丹誠之激切塵塵刹土仰瞻洪眈之羅敷
幽關無執對之聲冥路有超凌之徑普天同
慶極地相歡為如上緣志心稱念

三清無上天尊 十方靈寶天尊
九幽拔罪天尊 太乙救苦天尊
和不可思議功德

靈寶領教濟度金書卷之二十三